

# Yusof gah juarai Golf Amal YAYSH

» *Ketepikan 54 peserta lain*

Oleh Naqib Nor Said  
naqib@bh.com.my

► Shah Alam

**H**ayunan sempurna oleh Yusof Ahmad membantu dirinya mengetepikan 54 peserta lain untuk mengungguli Kejohanan Golf Amal Yayasan Anak-Anak Yatim Sultanah Hamimah (YAYSH) di Glenmarie Golf and Country Club di sini, kelmarin.

Yusof menamatkan cabaran 18 lubang di Lapangan Garden yang menggunakan format pertandingan Stableford dengan mengumpul 39 mata untuk muncul juara selepas terpaksa bersaing dengan Cristian New, Mazlan Sulaiman dan Datuk Lo Yeng Peng sejak awal permainan.

Golf amal itu turut diserikan dengan kehadiran, Raja Permaisuri Agong Tuanku Haminah Hamidon yang meluangkan masa menyertai pertandingan bagi kategori wanita yang dimenangnya sendiri.

Sebanyak RM175,000 berjaya dikumpul melalui penganjuran golf



Raja Permaisuri Agong **bersama pemain Golf Amal YAYSH** di Kelab Golf dan Glenmarie, kelmarin.

[FOTO: HASRIYASYAH SABUDIN/BH]

amal itu dan sumbangan cek diserahkan pengarah kejohanan, Datuk Norfaizah Zainal kepada kepada Pengarah YAYSH, Datuk Rosly Awang dengan disaksikan Raja Permaisuri Agong yang juga penang YAYSH, dalam satu majlis santapan malam di sini, kelmarin.

## Bantu anak yatim

Norfaizah berkata, kejohanan yang dianjurkan atas inisiatif sendiri bersama Datuk Mohd Ikmal Opat Abdullah itu bermatlamat

membantu golongan anak yatim yang kurang bernasib baik dengan memberi peluang kepada organisasi swasta untuk 'bersukan sambil menderma'.

"Saya ingin mengucapkan terima kasih kepada semua yang terbabit," kata Norfaizah.

Katanya, antara pemberi sumbangan adalah Royal Institution of Surveyor Malaysia (RISM), Kemuncak Pesaka Sdn Bhd, Kayangan Kemas Sdn bhd, UDA Holdings Berhad, Zikay Group Sdn Bhd, Hi-Tech Construction Sdn Bhd, Dream Chorus Sdn Bhd HNA Empire Sdn Bhd dan Hikamh Teguh Sdn Bhd.



Datuk Abd Manaf Hashim (kiri) **menyerahkan cek sumbangan RISM** kepada Rosly sambil diperhatikan Raja Permaisuri Agong dan Norfaizah.